

380402 Martin Opitz

517

Solte^c sie/ die eintracht schenckt/
 Zaum vnd zügel fahren lassen/
 Alles was auff Frieden denckt
 Würde Krieg vnd Waffen fassen/
 Alle sachen vntergehn
 Die auff jhrer krafft bestehn.

Sie verschafft daß sich ein Land
 Mit dem andern wol vertreget/
 Vnd den Bund (o edles pfand!)
 Vnzerbrochen helt vnd heget:
 Sie erwecket rechte brunst/
 Vnd der hertzen gegen-gunst.

Selig ist dein stand vorwar^d/
 Selig/ weit vor alle güter/
 Weil auch dir/ o werthes Par/
 Also heilig die gemüter
 Von der Lieb' vmbfangen sindt
 Die den Himmel selber bindt/^e [A iij r]

Diese^c Liebe suchet nicht
 Solcher sinnen schnöde sachen
 Wo das beste gut gebricht/
 Welche blind sind vnd blind machen/
 Derer grund auff sande steht/
 Springt wie glaß/ wie schnee zergeht.

Nein: sie pflantz bescheidenheit³
 Vnd vernunfft in die Gedancken/
 Sie gebiehr bestendigkeit/
 Sol vnd kan vnd wil nicht wancken/
 Sieht/ nechst Gott/ auff klugen raht
 Den sie vmb vnd in sich hat.

Sie verstricket festiglich
 Seelen die einander gleichen/
 Vnd veranckert^f sie in sich
 Daß sie nimmer mögen weichen/
 Daß bey dem was sie erkiest
 Einig jhr genügen ist. [A iij v]

Solche^c wolfarth ist auch dir/
 Allerliebster Freund/ bescheret:
 Deine lust/ dein trost vnd ziehr